


# IZADI FURUNDARENA AGIRRE

B Maila | Bertsoa | aipamen saria

Izadi naiz, 15 urte ditut eta Beasaingo Ikastolan DBH 3.mailan nabil.  
Musika, dantza, zirkoa, lagunekin egotea...asko gustatzen zaizkit. Urteroko  
saiakera izaten da Beasaingo Idazlehiaketarako zerbait txukuna idaztea eta  
poz handiz jaso dut aurtengo saria.



## AURPEGIA

Doinua: Ari naizela, ari naizela

Azken aldian entzuten dira

zenbait tendentzia berri,

Tik-tok, edo Instagram aurrean

haur ta gazteak eseri,

ikur eta sticker bitxiak

aurpegiari ezarri,

baina orban ikusezinenak

gelditzen dira ageri.

Gai honekin medikuak dira

jende aurrera atera  
haur ta gazteen azalarentzat  
txarra dela esatera  
zaharrak gaztetu nahian dabilta  
hori da duten joera  
gazteek berriz imitazioz  
hartu dute bide bera.

Marka multinazional pila  
arazo honen atzean,  
aberasten baitira gazteak  
hala manipulatzean,  
haiek gustura egoten dira  
gu Interneten sartzean,  
espabilatu gaitezke edo  
gaizki goaz gainontzean.

Irudi perfektuaren bila  
dabil egungo gaztea  
krema eta Skincare artean  
pasa dezake astea,  
kosmetikako produktuekin  
mahai gaina bete-betea  
baina oraindik falta zaiona:

erabiltzen ikastea.